

severar in quelle, et manda la risposta, *tamen* scrive non è da fidarsi.

Da poi disnar, fo Colegio di Savii, per expedir quello li è stà commesso. Fo dito una nova busia per *lettere di Barleta, di 23 dil passato*, in sier Piero Diedo qu. sier Francesco, come Piero Navaro con l'armata avia per intelligentia avuto Modon, e in quello intrato.

È da saper, in questi giorni per lettere di Zenoa, se intese le caravele di Portogallo non esser venute a Lisbona, e questo per l'armada fe' il Soldan, et altri avisi, *adeo* li quali valeano ducati 13 il fo fato comprida per todeschi a raxon di ducati 18, ch'è nova perfectissima; et più todeschi haveno lettere di questo avviso da Lion in zorni 4, sichè specie respirerano un poco.

In questo zornio, per li Procuratori sopra le commissarie fo electo loro gastaldo, in luogo di Zuan Fasol è morto, Hector Ottobon è scrivano a l'ufficio dil Sal, e fo confirmà per la Signoria.

Et a dì 3 ditto, per la Signoria fo delegà zudexe sier Agostin da Mulla tornato conte di Zara, di la comunità di Arbe con sier Alvise Badoer qu. sier Rigo, per causa di pascoli over herbadegi etc.

312 *A dì 3, Sabado.* Introe savio a Terra ferma nuovo sier Piero Contarini qu. sier Alvixe, cognominato di *Val San Zibio*.

Di Franza, fo lettere di l'Orator nostro, di 22, di Angiers. Come il nontio cesareo non era ancor zonto, et come avia parlato a la Cristianissima Maiestà zercha la deliberation del Senato in prolungar le trieve, non era di parlar di beni de rebeli. Soa Maiestà rispose farà tutto quel ben el porà. Scrive, Soa Maiestà averli fato communication, come l'orator yspero venuto *noviter* li avia exposto excusando la Catolica Maiestà si non si potea trovar a lo abocamento insieme con Soa Maiestà justa l'ordine dato, perchè li conveniva andar a Barzelona a tuor il juramento etc.; e voleva perseverar in la bona amicitia. Et di ducati 100 milia promesse dar al re Alvise per il regno di Napoli, voleva conzarla in ducati 50 milia; et altre particolarità, et come si tratava noze di la seconda sorela dil re Catolico nel re di Navara, e a questo modo restituirà il regno tien di Navara a chi di *jure* aspecta.

Da poi disnar fo Pregadi, et tolto il scurtinio di do savii a Terra ferma mancava, tolti numero . . . et niun passoe. Fo fato orator in Hongaria sier Lorenzo Orio el dotor l'avogador, qu. sier Polo; i qual seurtini saranno qui avanti posti.

Fu posto, per li Savii loro, che havendosi a far

seurtinio di uno ambador in Hongaria, possi esser eleto di ogni luogo e officio, *ut in parte*. Fu presa. Ave tutto il Consejo. Questa parte fu messa per sier Lorenzo Orio dotor, avogador, et sier Zuan Antonio Venier, è ai X officii, aziò possino esser balotati.

Fu posto, per li Consieri, dar il possesso a domino Anzolo Lipomano di certo beneficio di brexana di S. Piero di Pompeian, qual fo incluso per domino Bernardo di Mazi, et ditto Lippomano à avuto la sententia *ut patet*. Ave 139, 7, 13.

Fu posto, per li Consieri e Savii dil Consejo e Terra ferma. Essendo venuto a la nostra presentia domino Baptista Petratin cavalier da Corfù, qual, sotto sier Beneto da ca' da Pexaro *olim* capitano zeneral di mar, fu concesso a domino Lunardo Petratin suo fradello esser soracomito di la galia di Corfù, il qual armò et ha speso, per tanto sia preso che, armato averano li do soracomiti electi per quella comunità, li sia concesso per la seconda volta dito domino Lunardo debba armar per il secondo viazo. Ave 101, 30 di no, 4 non sinceri; e fu presa.

Fu posto, per li Consieri, una gratia di sier Marco Contarini qu. sier Lorenzo condutor dil dazio dil 1511 fin 1513, qual è debitor, *ut in gratia*, che li Officii possi responder. Ave 124, 24, 0; poi 132, 32, 0, e fu presa.

Fu posto, per li Consieri, Cai di XL e Savii, che li Avogadori extraordinari debano saldar in la Signoria certi imprestedi tolti per sier Vettor Foscarini, *videlicet* pro Monte vecchio a ducati 10 il cento e cavedali a ducati 3, pro e cavedali di Monte nuovo a ducati 10 il 100, et Sali, et Monte novissimo a ducati 40 il cento, e li Avogadori si pagi di la stessa sorte. Ave 104. Sier Stefano Contarini consier vol la parte, con questo i siano deputadi a l'Arsenal. Ave 74, fu presa quella di Savii.

Scurtinio di do Savii a Terraferma.

312

Sier Domenego Venier, fo di Pregadi, qu. sier Andrea procurator.

Sier Zuan da Canal *el grando*, qu. sier Nicolò dotor.

Sier Hironimo Barbarigo, è di Pregadi, qu. sier Andrea fo dil Serenissimo.

Sier Antonio Surian, dotor e cavalier, fo al luogo di Procuratori, qu. sier Michiel.

Sier Beneto Vituri, fo camerlengo di Comun, qu. sier Zuane.

Sier Lorenzo Bragadin, fo provedador di Comun, qu. sier Francesco.